

**EISTEDDFOD GENEDLAETHOL URDD GOBAITH CYMRU
ERYRI 2012**



**Rhif 285 – Llefaru Unigol BI 5 a 6
'Hyd yn Oed' – Meirion MacIntyre Huws
Melyn – Gwasg Carreg Gwalch**

**COPI BEIRNIAID YN UNIG
i'w ddinistrio wedi'r Eisteddfod**

Hyd yn oed

Hyd yn oed os bydd pob tân yn Llŷn yn marw,
hyd yn oed os bydd y nos yn dod i ben,
a neb yn clywed clychau Cantre'r Gwaelod
a bod 'run lôn yn mynd i'r Garreg Wen;

hyd yn oed os yw'r Dref Wen yn enw diarth,
hyd yn oed os sychith gwely Llyn y Fan,
a bod golwg hagrach cynnydd yn Eifionydd
a ffatri rhwng dwy afon yn Rhoslan;

hyd yn oed os ydyw'r ddrudwen ar ei chythlwg
a choff yr Hedydd yn golygu dim,
a gwyddfid yn tywyllu Ffynnon Cybi,
a'r garreg wedi syrthio ym Mhont Cim;

hyd yn oed os deil y deri i ymdaro,
a bod ein holl farwnadau i gyd dan gen,
bydd rhai yn dal i fynd i ben y lonydd,
bydd rhai yn gwrthod chwifio'r faner wen.